

UNIVERSITI SAINS MALAYSIA

Peperiksaan Semester Kedua
Sidang 1987/88

YMP 304 - Kewartawanan II

Tarikh: 5 April 1988

Masa: 9.00 pagi - 12.00 t/hari
(3 jam)

Ada DUA bahagian dalam peperiksaan ini. Bahagian I (40%) wajib dijawab. Pilih dan jawab tiga soalan (20% setiap satu) dalam Bahagian II.

Semua jawaban hendaklah ditulis dalam Buku Jawaban Peperiksaan anda.

BAHAGIAN 1 (40%). Jawab SEMUA soalan dengan ringkas (antara satu hingga 10 ayat).

1. Beri empat unsur yang boleh digunakan dalam mengukur nilai "keberitaan".
2. Apakah kesaksamaan (objectivity), dan apakah ukurannya?
3. Keadaan bagaimakah yang sering menghasilkan maklumat pemberitaan?
4. Nyatakan empat hal yang perlu diberi perhatian dalam suntingan berita.
5. Apakah perbezaan antara berita dan rencana?
6. Huraikan dengan ringkas maksud Formula Penulisan TAJMAHAL.
7. Huraikan secara ringkas perbezaan antara ketepatan rakaman dan ketepatan hakiki? Ketepatan jenis manakah yang lebih mustahak dari sudut perundangan fitnah?
8. Menurut Birch, akhbar Melayu pertama tidak membangkang ataupun mengkritik kerajaan. Namun demikian, Birch menyebut satu peristiwa di mana akhbar itu telah menegur kerajaan pada masa itu. Beri tahun dan tempat pengasasan akhbar itu serta terangkan peristiwa di atas.

9. Apakah nama akhbar Cina pertama di Malaysia? Bila dan di bandar manakah ia diterbitkan?
10. Beri nama penuh persatuan yang telah mengasaskan penerbitan akhbar Cina pertama di Malaysia. Apakah tujuan ia menerbitkan akhbar tersebut?
11. Beri nama tempat, tahun, dan pengasas (orang) akhbar sulung di Malaysia. Apakah beliau perlu meminta izin daripada pihak berkuasa untuk menerbitkan akhbarinya? Siapakah "pihak berkuasa" itu?
12. Abdul Rahim Kajai sering dianggap sebagai "Bapa Kewartawanan Melayu". Siapakah nama penuhnya? Bilakah zamannya dan kenapakah dia diberi penghormatan itu? Kenapakah dia digelar Abdul Rahim "Kajai"?
13. Undang-undang amnya dikuatkuasakan dengan hukuman. Huraikan secara ringkas tiga tujuan hukuman.
14. Beri tiga jaminan hak asasi yang dianggap berkait yang dimaktubkan di dalam Artikel/Perkara 10, Perlembagaan Persekutuan. Nyatakan bendungan yang dibuat ke atas semua hak itu sepetimana yang termaktub di dalam Perkara yang sama.
15. Sepanjang kursus anda selama setahun, anda telah menerbitkan sebuah akhbar makmal tanpa sebarang izin atau permit dari Menteri Dalam Negeri. Beri sebab atau alasan dengan rujukan yang nyata dan khusus kenapa anda berani berbuat demikian.
16. Huraikan dengan ringkas sebab-musabab dan alasan yang menjadi asas kepada konsep dan penggubalan perundangan hakcipta? Menurut Akta Hakcipta Malaysia, seseorang pencipta karya mempunyai hak kepunyaan ke atas karyanya walaupun sesudah kematiannya (diberikan kepada warisnya). Berapa lamakah jangkawaktu hak kepunyaan sesudah mati ini?
17. Soal pengharaman karya bukanlah satu isu baru dalam sejarah tamadun manusia. Dari tulisannya yang masih kekal, Plato pernah membincangkan hal ini. Siapakah Plato, bilakah zamannya dan apakah pendiriannya dalam hal ini?
18. Huraikan secara ringkas perbezaan antara adab (etika) dengan undang-undang? Bagaimanakah ia terbentuk dan bagaimanakah pula ia dikuatkuasakan?
19. Apakah "fitnah" dari takrif perundangan?

20. Apakah "perlindungan/keistimewaan mutlak" (absolute privilege) dan perlindungan/keistimewaan terhad" (qualified privilege)? Dalam keadaan bagaimanakah terdapatnya perlindungan sedemikian?

BAHAGIAN II (60%). Jawab TIGA (3) soalan dalam bentuk esei.

1. Apakah persediaan yang perlu bagi seorang penulis (pemberita, wartawan, penyunting, pengarang, dsb.) dan apakah untung-ruginya kerjaya sebagai seorang penulis?
2. Kebebasan bersuara dan berakhbar adalah perlu bagi semua masyarakat kerana....
3. Berdasarkan perkembangan sejarah persuratkhabaran Malaysia, terdapat beberapa garis waktu penanda penting dalam perkembangannya. Bertolak dari situ dan berdasarkan keadaan sekarang, buat kelunjuran perkembangan industri persuratkhabaran negara ini menjelang akhir abad ini.
4. Berdasarkan beberapa tulisan dan ucapannya, Perdana Menteri Malaysia, Dr. Mahathir Mohammad, mempunyai pendirian tertentu mengenai peranan dan tanggungjawab akhbar yang dianggap sesuai bagi sesebuah negara seperti Malaysia. Apakah falsafah dan teori yang dipilihnya. Apakah hujah yang dikemukakannya untuk menyokong pilihannya itu? Apakah anda bersetuju atau berbeza pendapat dengannya? Bentangkan sebab-musabab dan alasan bagi menyokong persetujuan ataupun perbezaan pendapat anda dengan beliau.
5. "Persuratkhabaran adalah satu perniagaan yang memperdagangkan maklumat. Dan seperti perdagangan lain, apa yang penting baginya ialah keuntungan. Ia cuma berselindung di sebalik tabir kemurnian 'perjuangan menegakkan kebenaran' sebagai alasan semata-mata." Hujahkan.